



U G O V O R

o javnoj nabavci usluga očitavanja potrošnje gasa

KJKP Sarajevogas, Sarajevo, Ul.Trg Fadile Odžaković Žute 4, 71000 Sarajevo, BiH,
Koga zastupa: V.D. Direktor Preduzeća Ibrahim Karahodžić, dipl.ing.maš. (u daljem tekstu: Naručilac),
i
«MHS d.o.o.», Ul.Džemala Bijedića do br. 130, 71000 Sarajevo, BiH,
Koga zastupa: Direktor Eldin Rastoder, (u daljem tekstu: Pružalac),

Član 1.

Na osnovu **Okvirnog Sporazuma**, a po provedenom otvorenom postupku nabavke usluga broj TD-05-20/20, ugovorne strane zaključuju **ugovor br. 1 (jedan)** o nabavci usluga očitavanja potrošnje gasa u individualnim i kolektivnim objektima stanovanja.

Član 2.

Predmet ovog Ugovora je izvršenje usluga očitavanja potrošnje gasa u individualnim i kolektivnim objektima stanovanja, po provedenom otvorenom postupku nabavke broj: TD-05-20/20. Pružalac usluga je dostavio ponudu prema specifikaciji Naručioca broj SP-OJ04-TD-05-20/20-01, koja je priložena ovom ugovoru i predstavlja njegov sastavni dio.

Član 3.

Ugovorna vrijednost usluga iz člana 1. ovog ugovora bez PDV-a iznosi: **288.060,00 KM**, (slovima: **dvijestotineosamdesetosamhiljadašezdesetKM**).

Član 4.

Pružalac će usluge iz člana 1. izvršavati nakon potpisivanja ugovora u vremenskim terminima, količinama i rokovima koje odredi naručilac usluga.

Član 5.

Pružalac usluga će obezbjediti potreban broj mobilnih uređaja (najmanje 60 uređaja) i kartice za prenos podataka u skladu sa specifikacijom.

Minimalne tehničke karakteristike mobilnog uređaja i telekom usluge:

- OS: Android 7.0/7.1
- CPU: QuadCore/OctaCore
- RAM: 2/3 GB
- Storage: 16/32 GB
- Telekom usluga: Paket sa uključenim mobilnim internetom.

Obaveza KJKP Sarajevogasa je da izvrši instalaciju aplikacije za očitavanje u mobilne uređaje.

Član 6.

Obaveza pružaoca usluga je da očitavanje potrošnje gasa vrši kod kupaca koji su razvrstani prema mjesnim područjima (očitačkim hodovima). Angažirani izvršioци upisivače stanja s odgovarajućeg mjerača na predviđena mjesta u mobilnim uređajima/listama za očitavanje koje će pripremiti naručilac.

Angažirani izvršioци na mobilnim uređajima/listama za očitavanje, pored očitanoг stanja sa mjerača, evidentiraju i ostala zapažanja kao što su:

- a. registrovana pojava mirisa gasa (o čemu mora odmah obavijestiti neposrednog rukovodioca i Dispečerski centar Sarajevogasa),
- b. mjerač nedostupan za očitavanje,
- c. oštećen mjerač, oštećena plomba na brojčaniku,
- d. okrenut mjerač,
- e. demontiran mjerač, a interventni ventil ostavljen u vertikalnom položaju (uz cijev),
- f. promjenu kućnog broja i/ili naziva ulice,
- g. i ostale potrebne podatke o mjestu.



Član 7.

Odabrani pružalac usluga će liste za očitavanje u štampanoj/elektronskoj formi preuzimati i vraćati u vremenskim terminima i u rokovima koje za svako pojedinačno očitavanje koje odredi KJKP Sarajevogas. Primopredaja listi za očitavanje u štampanoj/elektronskoj formi treba biti potpisana od strane predstavnika pružaoca usluga i predstavnika KJKP Sarajevogasa.

Član 8.

Ukoliko pružalac usluga ne preda liste za očitavanje u štampanoj/elektronskoj formi s očitanim stanjima na vrijeme ili ne izvrši očitavanje na dogovoreno vrijeme ili se pojave neočitana ili pogrešno izvršena očitavanja, njegova obaveza je da za jedan dan po nalogu naručioca besplatno izvrši očitavanje i nadoknadi prouzrokovanu štetu naručiocu zbog neizvršenih obaveza.

Ukoliko pružalac ne može izvršiti očitavanja zbog objektivnih razloga (zaključana vrata na ulazu i slično) dužni su naručiocu ostaviti obavijest.

Član 9.

Pružalac usluga se obavezuje da će mjesečne usluge realizirati u vremenskim terminima koje za svako pojedinačno očitavanje odredi naručilac sa rokovima očitavanja, u sezoni grijanja koji ne može biti duži od tri (3) dana, a van sezone grijanja ne može biti duži od četiri (4) dana.

Ugovorni organ kao naručilac može odrediti da se očitavanje u periodu van grejne sezone vrši periodično u vremenskim intervalima koje definiše KJKP Sarajevogas d.o.o.Sarajevo.

Za svaki dan kašnjenja u izvršenju usluga iz čl. 5. ovog ugovora naručilac će pružaocu zaračunati penale u iznosu od 1% s tim da iznos penala ne može preći 5% ukupne vrijednosti ugovora.

Za svako pogrešno očitavanje koje naručiocu prouzrokuje dodatne troškove naručilac će pružaocu usluge zaračunati penale u iznosu od 1% od mjesečne vrijednosti ugovora.

Član 10.

Obaveza naručioca je da provede skraćenu obuku za osobe koje će biti angažirane od strane pružaoca usluga na izvršenju istih prema važećim procedurama.

Obaveza naručioca je da uradi tekst obavijesti iz čl. 8. stav 2. ovog ugovora i istu distribuira angažiranim izvršiocima pružaoca usluga.

Član 11.

Pružalac će obračun izvršenih usluga vršiti po jediničnim cijenama iz priloga ovom Ugovoru. Naručilac će plaćanje izvršiti nakon isteka roka od **30 (trideset) dana**, a po prijemu uredno ispostavljene poreski ispravne fakture za izvršene usluge na transakcijski račun pružaoca usluga naveden na fakturi.

Član 12.

Obaveza pružaoca usluga je da u roku od **sedam (7) dana** računajući od dana potpisivanja ugovora, dostavi naručiocu garanciju za dobro izvršenje posla po ovom ugovoru u iznosu od **10% od vrijednosti ugovora, odnosno u vrijednosti od 28.806,00 KM**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana.

Ukoliko pružalac usluga obavi sve ugovorene poslove kvalitetno i u roku, naručilac će u roku od petnaest (15) dana pružaocu usluga vratiti pomenutu garanciju.

Ukoliko pružalac usluga ne dostavi traženu garanciju po ovom ugovoru u zadanom roku iz stava 1. ovog člana, zaključeni ugovor će se smatrati apsolutno ništavim.



Član 13.

Naručilac i pružalac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 14.

Pružalac usluga nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja naručioca.

Član 15.

Ovaj ugovor se zaključuje na period do ispunjenja njegove svrhe, ali ne duže od (1) jedne godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 16.

Ukoliko naručilac u ugovornom roku iz člana 10. ovog ugovora ne plati cijenu za izvršene usluge obavezan je pružaocu usluga isplatiti i zateznu kamatu u skladu sa zakonom i drugim propisima koji uređuju ovaj institut.

Član 17.

Ugovorne strane su saglasne da pružalac usluga neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 18.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 19.

Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 20.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Pružaoца:

 

Direktor, Eldin Rastoder

Broj ugovora:

91/20
28.08-2020

Za Naručioца:




V.D. Direktor Preduzeća, Ibrahim Karahodžić, dipl.ing.mas.

Izvršni direktor, Alisa Konaković, dipl.iur.

Broj ugovora:

176/20
28-08-2020